



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五一七

蕙蓀堂集不分卷 昭 槤 撰

一

蕙蓀堂燼存草二卷 昭 槤 撰

五五

劉禮部集十一卷附麟石文鈔一卷 劉逢祿 撰

八三

綠雪堂遺集二十卷 王衍梅 撰

三〇七

韞山詩稿九卷 朱鳳森 撰

五九九

二竹齋詩鈔六卷二竹齋文集二卷 張 井 撰

六九五

此輩爵祿親王
僅社能下平供
甚多矣有必而
製者中書佐佑
茲惠堂著取宗臣
族逐之義

南韻
蘇蕙堂集
尚古堂印

顏頤老人南韻齋主人也工詩善繪畫書法尤美
上壽蓋論其秀麗才姿用筆尤遲耳是詩為我
賢王早年尚書封藩時亦自錄集為二冊於上錄自
自探歲久後閱之有後時余典
賢王在昔常冰為海內名流勒之於茲家藏論古
人用筆必得南韻齋主人自書蓋亦不目觀也晚年
以去或自誤清真惟握管無情話猶入乎
馬風派自命品學題焉

蕙蓀堂集

光緒辛卯十月得于吳下
蘇米京師以贈
伯希前奉
金鑑

七言古詩

萍水篇 美時帆司成也

泛泛青萍在水之濱隨波逐浪何相親茫茫千里難剖
分生自吳江南君住蘭門北一朝傾蓋稅市間聞詩執
禮心相得薦書直達金門側煌煌簪裾郁郁醴醑懸車
下榻主人喜便非薦鴻書分隔雲泥誰當失萍水之萍
胡可比君不見舊時友金鞵玉勒天街走路傍相遇不
相問幾見停驂笑握手那及萍水相逢交可久

街道平

街道平香車寶馬交馳橫長街十里盡平輪蹄儼若
雲中行街頭父老向人語蕩平有賴與錢任虛位千夫
清鑿通荷鋤初不由官舉君不見珠市邊繡衣公解屋
相連長街塵埃高接天車頗馬駛行難前按戶攤錢時
不誤督衙御史衙不顧

夢游滕王閣歌

我年已逾冠齷齪守桑梓游覽緬江湖關河阻雙旆天
公憐我興豪放西風吹夢渡江汕洪都城外閣峻嶒絳
闕朱樓勢嵯峨金梯百丈任攀躋凌虛擬踏飛霞屐三
王遺翰故清麗陳奧詞章亦雄偉夢中曾謁陳憲前暮
雨度秋雲欄外西山散霞綺霍汀危渚看榮華平楚蒼

卷之四

蒼暮烟起連天雪浪圻荆吳極目煙波接彭蠡畫棟珠簾尚宛然頻瑞分茅念伊始霓旌千騎住幢幢粉墨新圖傳素紙今古星霜又一時浩叔餘灰傳故址清歌妙舞極繁華何處招魂薦芳芷韓公想慕到無因我幸游觀清夢裡桃源記述繼仙蹤天姥荒唐笑狂李天涯倏忽一身輕夢覺寒蟾照曉鏡遙聞隔巷曉喧喧喔喔雞聲驚枕底

題蜀棧圖

吾聞巴蜀地遠邊夷差宮堯絕嶂連穹蒼褒斜古棧路千里重關一綫通陳倉行人到此盡惆悵哀猿啼鴉聲悽悽紆盤危徑若螻蛄天梯石磴穿羊腸牽裾負屨復慙

上蜀山

險害躋步悞蹈如探湯途路艱苦有如此是以古今屏棄蠶叢鄉自從蠟賊恃險阻黎民蹂躪連荆湘奈何聞外少頗牧斧鉞手執無主張三軍暴露棄不顧虎狼噬攫由披猖巴江紅粟運飛艘雲棧白帶縻藤籍老弱疲獎壯丁盡千村婦女罹災殃吾皇繼統邁堯舜雖共誅竄天威彰皋夔召用靖內治寰宇鼓舞歌衛康非熊今已兆君夢築壇命將推鷹揚偏師急走守劍閣驅獨擒捕先扼吭六軍南下勢壓岷釜魚檻獸何能當奇謀立見定帷幄巨魁掃殄如秋糠黔首招集返鄉井賑賙迅速發庾糧自來奏績由廟算用命尤賴羣扶匡惟願萑苻潛匿靖梁益高敷峻武銘山崗早使羌蠻朝

觀貢皮弊圖成王會開明堂

題韓旭亭師聽鐘樓詩集後

西山月落閣黎宮野衲帶漏鳴霜鐘樂餘東老睡初足竹牕曉露烟濛濛吟筒詩卷謝塵俗塗改新篇細披讀翠港新裁魚子秋綠雲高種桐孫竹約袍襟粥性所懷旨酒嘉肴非所欲口留餘話無怨尤福防過分心常足集十詩燕關越海恣游覽紫塞青山載歸麓天將美景付詩翁一生享盡清閒福詩不分唐與宋理不詮程與宋才人落筆瀉江海高攀白傅魚鱗蘇人生日用貴布粟胸懷吐露非豪抑君不見電光石火真俄頃浮世榮名同泡影莫待晨鐘百八叩銅魚始向華胥發深省

一多山

余素不工書偶作數字洪瑞亭孝廉過而嘲之因

賦長句以報

三生未結翰墨緣蜿蜒右臂僵難伸雙目有神腕有鬼家學坐廢慚先人先祖友竹主春風點蕩潤硯席寒臆積雪無纖塵龕燈孤榻坐清渥硬黃摹仿怡心神龍毫繭紙任揮灑終覺波磔生荆棘自笑經年未擗管筆先意後徒逡巡有如幼女舞長劍兩腕婉弱聲先聞又如書生馳騁騎撫筆恠恠驚神視真牆自古戒墮墮石田盡力空耕耘垂珠蟹爪半顛倒敝帚自享吾家珍瑞亭書法妙入神俯視虞褚卑羊欣奇才八斗興狂放敬表冒雪來清晨瑤箋翻曉顧我笑傲然無語疑心噴妍媸

相對不兩下效顰自愧如東隣會當即席陳紙墨請君
一掃張吾軍臨風脫帽作章草墨花如雨被繽紛立見
金刀鐵柱列素壁滿堂黠黠騰烟雲

朵顏二指揮歌并序

朵顏部落姓兀良哈氏在大寧城東北古元菟
郡也明宣德中投誠世授都指揮使國初大
兵畧地至喀爾沁使招撫之衆台吉欲降二指
揮云吾世受明代封於義不可偷生力戰而死
嗟夫明社之將屋也自范吳橋史道鄰下及縉
紳士庶捐軀者不可指數而窮荒絕塞間猶有
此二指揮皎皎之節洵可慕也因作二指揮歌

朵顏指揮氣如虹伯仲生長穹廬中奉明正朔掌邊徽
寵眷世受丹書封書不讀記姓氏劍不學一人藝平生
友愛自天授曉獵同鞍夜同被彈丸力守明疆土食人
之祿死人事奔騰夜半走萬馬紅旗四面望如赫天
書遠下許投戈七萃聲震屋瓦台吉喜報者者指揮
怒聲咷咷百年臣節耻淪喪手裂降箋命拚捨西風暮
外兩頭顱碧血蒼涼洒荒野觸地皆腥羣公正氣昭
然此其亞吁嗟乎頭可斷骨可灰姓名青簡千秋垂中
朝冠帶謁闕者羞見朵顏二指揮

題高御漁牧牛圖

平陂十里春草短老牛牧放夕陽坂村兒牛背揮長鞭

橫笛臨風雙髻綰豐年戶戶飽香糜家居樂地兒不知
兒不見刀兵擾攘滿巴蜀兒攜離鄉牛市肉

喜鮑雙五成進士

國家養士二百秋傍招俊彥弓旌求狀頭撥取例三載
姓字幾見人間留鮑生生小負大志落筆如神懷利器
窮途騏驥久顛踣錯節盤根經屢試綠綢醺醺風習和
溫飽由來非所計憶昔邂逅姓字通珠璣錯落羅心胸
梁園留客暮不去蟻樽夜雨燈燒紅更深燭暗爐滿斗
談兵說劍心豪雄一別秋風各江海飄零書劍心慷慨
春隄復泛潞河舟白面丰姿猶未改昌期幸遘龍
飛年上相吐握勤求賢三場文戰坐矮屋銀河直瀉傾

十步山

九天揮毫伸紙萬言就一箭立使枯楊穿方今天子
正求諫天人召對螭螭前巡狩幕上封禪草雕蟲漫
賦甘泉篇況今盜賊滿天末櫓槍尚見屯巴川黎民奔
竄業未復貪夫豈盡登彈箋但當剴切論利害網紀錯
置宜何先若使科名不負懷抱展定當五色雲見籠祥
煙

讀淮陰侯傳

羸秦逐鹿竄原圍劉項紛紛設網罟釣竿一擲清淮流
重瞳鳴咽沛公舞落魄曾叨漂母憐稱病羞同絳灌伍
躡足牽衣禍早萌諶冲學道亦何補奈何刑餘人促筆
論今古伐功矜能誚王孫大度雄才推漢祖君不見彭

王醺英王慶燕王故舊棄如土

從旭亭師借觀黎二熊詩集

海上仙人窮不死，鞭起蛟龍走蠶絲。驚濤怪雨不足誇，
隨身吐唾成丹砂。名山藏貯向誰託，同心千里寄征裘。
老翁狡獪秘枕中，人間不許聞仙樂。神交少小飲香茗，
寶劍賺取書難成。安得豐隆驅造弓，屏翳高崖穿鑿頰。
五丁早將丹書玉檢攝，几側吐沫萬遍讀。不傳儼若短
衣綠箬會炎微，滴足共訪扶桑度。

贈陳厚菴燕常

古今對策誰第一，漢有賈誼唐劉蕡。轉喉觸諱遭罷斥，
褒贈身後徒更綴。我朝寬大邁唐漢，黃風策士明先

十卷山集

殿。考言詢事求良材，登選清班畫英茂。就中最者誇陳
生，遙遙祖武能追緝。蒼鷹羽翼久垂鉞，青箱世守懷忠
貞。太史為明卿太史之裔氣吞湖海若無偶，胸襟磊磊盡傾剖。敢
言耻效驕嘶人，首尾畏懼只緘口。首言盜賊棲荏苒，封
屯螳臂由支梧。任方使能賴廟算，脇從驅散賊首誅。
訪求俊又士習振，薄歛賦稅羣黎蘇。面諍庭斥勸忠鯁，
飛章投匭嚴芟除。以上詩集豈顧直言遭衆忌，附和稊稊
登上第。孫山榜末幾斥除，蘇軾才高防放齷。不斥不棄
天子聰，拔置蓬山位清和。樂餘東老君世交，焚餘諫
草私傳鈔。芸牕讀誦壯君志，干將出匣光騰霄。如強之
直近世窮鴟鳳，何期出草野。小臣尚敢議國是，諸公

默然胡為者，吁嗟乎不草鐵券火冊光。至今俎豆猶煌
煌，公侯子孫必復好。莫效當場時世粉。

謝錦泉侍御席上借扇詩以戲之

謝公耿耿性卓犖，冠裳敬從無羈縛。縛意氣直激干雲霄，
故里無家客京洛。權門嚙齒遠拒屏，冷巷柴扉甘寄托。
主人今夕宴東閣，紛錯杯盤愧藜藿。啟閨難招北戶涼，
當筵苦被炎曦燄。敲我公座上汗如雨，索借霜紈而不作。
高揮嘯傲吐丹砂，四座清風却煩熯。汚人幸少庾公塵，
佳客何殊北海酌。我聞葛亮出師時，白羽指揮軍令速。
又聞顧子立功名，一扇手揮施將畧。方今蝘賊走巴中，
處處村墟恣擄掠。何時再起謝東山，易置棋枰救民瘼。

十卷山集

仁風布護賊自除，儒將由來尚謀畧。切勿萊衣蒲扇步
高人，掃却閒雲臥巖壑。

慰姚根重孝廉疾

姚侯縱酒性豪宕，書劍飄零無倚託。鴛鴦得路遠騰驤，
良驥誰憐久羈勒。秋夜沉沉卧客居，斜風細雨燈花落。
故鄉修阻歸無賞，龜螭堵牀衾枕薄。清門孔李舊交情，
傾益心投膠漆若泥翻。紫陌車難行，魚筒聲奴寄空索。
肌膚痛楚休苦嗟，葛帳蕭條漫慚作。下壁久已埋泥沙，
鷄鳥何妨離燕雀。天生良翰豈廢棄，風霜慎早防彫斲。
勸君豁達破愁城，煎韭烹葵且為樂。明君飢渴求賢
才，薦廣紛紛出東閣。登庸畢竟屬元之，受福由來忌迅

速療疾義比枚史文贈饋慚無康子華願君忍然據几
汗夾背黃菊蕞萸尋舊約

題鄭清之傳

幽蘭軒中火光燭上蔡孤城黑雲覆林如殘骨獄底埋
深仇已雪青城辱大河南北初銷兵歲幣盟書舊好續
中原千里委荆榛胡馬何曾願南牧廟堂老奸幸天收
新叅執政已哀憊青宮誦讀舊春隆庸臣手致長城壞
未朝盟墨自變移阮河守汴謀何疲蕭魚反覆信豈伏
江黃爭霸形難支三軍糧匱食蒿餅紅纖幕至悲輿尸
慶之空據洛陽成桓溫終潰枋頭師舊都未復觸虎怒
江淮一葦羣南渡瓦崩蠶食任國亡縱酒湖山心不顧
吁嗟乎秋夜天高白雁腥一航君國數飄零縱無蟋蟀
鳴堂廡終見冬青種六陵

邊兵謠

蘆溝橋北風塵高邊兵千騎懸弓刀銜枚疾走向川陝
長纓短袂矜雄豪 聖朝養士最豐腴妻孥兩地甘棄
拋借問邊兵係何所邊兵仰面愁不語生逢邊塞罷征
戰飲馬長城守邊土荷鋤驅犢耕荒田飽食豈知邊地
苦一朝兵甲動兩湖蔓延秦隴猖荏苒符累瘡心腹愁內
潰反使邊關羽檄勞征夫聞道昔時征調者戰骨山堆
積荒野將軍置酒宴深幃士卒飢寒不知也捐軀破敵
心所願無乃無功命徒捨我見邊兵心已悲既聞其語

一夢山房

雙溪垂上公寵錫位通顯一隅坐守無施為虛糜國餉
飽賊腹蒼生百萬誰扶持憶昔文成掌節鉞三軍挾纊
聽指揮故使士卒盡効命蠻峒樹績強宇恢安得將帥
效前烈佇立軍門看獻捷邊兵結隊返閩門城頭卧唱
關山月

題荆溪張氏慶餘堂圖

稻塍如繡桑麻稠綠陰清晝啼鳴鵲阿翁阿媪坐左右
梁鴻異缺疑其倚耕田而食鑿井飲熙熙時真無憂
初生閨六偶重值仙禽海屋應添籌瑤琬珥統膝下
捧爵上壽瓊漿浮踈籬茅屋鮮塵事手携綠玉擎雙甌
清門福地行家慶桃源雞犬俱優游金章紫綬豈不貴
只恐子孫驕溫忘先疇不如代傳耕讀守藝訓含哺鼓
腹無他求國中景物致足樂何年鼓棹荆溪頭訪翁難
窺問舊事甲子人間又幾週

過耶律文正王墓

余源南渡走麋鹿鐵騎雲屯萬姓哭武夫殫帳逞良籌
屠盡中州廣游牧天生王孫濟世才讀書與谷深栽培
軍門一旦際遇合數語援拯蒼生災修髯偉貌性伉直
禮樂興起賴君力大黃書卷載行車可使醫民更醫國
角端諷勸罷甲兵旨酒歲規盡臣職魚水真舒景略才
曳杖遠勝高窓識一朝弓箭悲崆峒公亦憂憤埋幽宮
墓門芳草綠前浦年年春水鳴東風 先皇吳代感奇

一夢山房

第名祠鳩建碑穹隆離宮時 幸奠椒酒蕝蕝禁葺禮
優崇夜火骷髏出荒墓前朝那得南山銅起輦谷側馬
喧騰何人解種冬青樹

題吳仲圭墨竹

道人日醉酒一斗興來墨潑竹千畝平生交識盡梅花
日寫千竿好為友此時三楚未銷兵鯨甲鮑旌滿洞庭
可能醉卧滿湘上手把枯琴帶雨聽

和吳春麓太史謝贈晉帖走筆奉酬元韻

我腕本強廢草真臨池撫帖原非倫唐碑漢隸束高閣
古墨舊紙綿藏新試取晉榻贈詞客期君學書先骨格
近時倍體尚墨猪古法無存我何責我聞用筆如用兵

一夢山房

先學謹密後縱橫但取筆姿乏骨力濡上兒戲無堅營
春麓筆精富文陣長紙霜毫力轉進細筋入骨峙秋鷹
九坂臨崖勒神駿摩挲奚必面貌同窠面何須硬黃印
金丹立使脫凡胎真偽眼前告誰信嗟乎舊雨奚可忘
南塘應記鞭同揚天街當日兩豪士何幸君獨登明堂
我今頑懦尚如昔執戟自哂同馮唐壯心歲月久消滅
弓矢坐廢慚天潢何時共踏金門月駕瓦風涼人未歇
憶君草麻鈴閣漏散殘正筆從心休恍惚

題吳春麓太史瀟陵校獵圖小照

我思射虎西山脚手接飛鷹截狙獲北風夜撼黃崖關
起舞龍精雪花落何為偃蹇卧蓬閣坐守芸牕歎塵縛

伏檻非無壯士心請纓未遂安邊畧延陵太史奇男子
短衣匹馬氣不餒馬前雄兔絡飛輕馬後麋孫血抽矢
深崖積雪鳴弮殞雲中鷄鷄何能逃興到窮搜盡大壺
飢餐狐兔噬血毛人生行樂貴適意伊川舊技休拋棄
據鞍應笑魯諸生矻矻搵觚奚足貴披圖我亦湖海徒
褐裘自覺肝胆猶何時共獵南山道披襟醉倒黃公壚

吳春麓太史借觀五代史詩以報之

延陵太史貧無囊遠涉江漢蘆為航家藏萬卷棄不顧
嫺嫺福地窺琳琅沙隄衙散日亭午槐花壓亂庭陰涼
使無左圖右史備觀覽何以橐筆 禁苑誇三長造門
自昔多班客乞糶反使由齊彊三史裨編歸腹笥借抄

一夢山房

五代搜緝箱廬陵執筆或偏駁文雖練達詞浮張願君
涉獵勿瞻戀早從南董求津梁典謨垂訓不盈尺化俗
足使登明良會心妙悟豈在遠奚必積車來往傾書倉
敬車誼為鮑雙五太史賦

先生朝罷性疎懶緼袍積垢月忘澣瘦驢奔棧路難行
泥輒天街歸路遠相君宜是轅下駒雲衢騰達休踟
遠勝當年洛陽道徒步西風吹蓆帽

夜聞風雨大作枕上誌喜

今年苦旱逢六月草木焦枯河漢竭當風揮汗扇不停
却暑難尋水晶窟夜半陡覺生風雲黑龍翻海勢覆盆
雷電殫殫勢不止涼飈立使驅炎氛幽人竹榻夢初覺

擁衾喜聽簷花落開門冒雨不待曉急把鋤耰種藜莖
趙子昂小印

王孫書畫魚三絕翰墨生前舊緣結小印親鑄屋漏紋
班斲新燕猩紅血璽組心傷獻越南遂令冰雪換頭街
仲姬筆墨亦清妙香閣同心印素纈有時持印雙垂淚
青紱何如朱綬貴經國文章第一流楚材晉用真含愧
更漏沉沉月影昏匆匆搗印赴宮門前朝院草如山積
怕讀陳橋捧聖文

鄭湛若硯

吳橋司馬葬井底東華門外人不超羣忠正氣燭層霄
海濱猶有鄭夫子鄭夫子方青年烏巾玉貌形翩翩血

十笏山房

書十上君莫顧青鞋布韞游獵蠻苗峒山川歸杖履赤
雅編就難更刪滿腔忠憤向誰吐青琴石硯相周旋琴
同巾履瘞魚腹石猶孤牙傳人間百年事變盡更歷空
餘土花侵蝕苔斑爛君不見雪方池歸和成續朱紫三
朝事仇敵爭如儒冠慷慨殉君王海水千秋凝血碧

田母教子圖

羸箱漆筍滿庭戶奴僕嬉嬉老母怒白頭盛氣喚郎前
義訓堂堂兒畏俯朱提白鋌世所求平生屏棄如寇仇
不見當時榮顯客萬鍾暮享朝羈囚自歎門祚衰童子
具官位靖共達風願饗餐代汝愧不能倚閭目覩復前
仇應效織紉當門勤教誨塗膏壤血民所嗟饌玉鋪金

奚足貴高堂博取老親歡閭巷寧無慈母淚郎君亦豪
士委諾東庭訓戶內散奴隸戶外却贈贖遺芬千載保
清名朱紫終身無棄擯嗟乎深慮諄諄大義申安危久
計愛方真解卑解語屏風觸教子趨時愧婦人

題顧士華滇游第二圖

足未到楚與吳夢不到江與湖何況滇南天末阻荒微
羨君蘭足萬里重為圖燕堂九月霜風早破帽橫鞭行
遠道荒灘古湫認前途蠻語徑諒續吟稿碧雞金馬舊
經行野雀孤鴻今漸老炎嶠更番始願違書囊潦倒傷
懷抱近臣文宿耀天南夷風丕化功非渺
吁嗟乎相君豈是轅下駒他年解褐朝明廬皇華繡衮

一笏山房

使絕域採風粉本應成圖

送姚根重孝廉歸桐城

騏驎在野駕在廐伯樂難逢後誰售龍仲蟻屈等浮雲
豈若承徵擢上壽姚侯磊落不世才詩禮韶齡過庭授
筵開燒尾早知名拓手公卿期造就十年潦倒洛陽塵
夜光白璧繼塊覆鯨鵬息翼讓鳴鶴破硯單食甘獨守
春風握手始識面投紵班荆聯故舊家風我愧負弓裘
俗學君應羞訂鉅街盆膠漆互忘形深夜清談達白晝
朔風十月冰流漸河梁忽聽驪歌奏鍾陵山長幸強健
扶杖將涉雲岫凱按應許寄郵亭績稿遙知入君袖
我 皇下詔求良才大廈凌雲資結構乘時早遂祖生

鞭豈合棲遲伏圭竇但看神駒受勒一日走千里遠勝
立仗虛縻三品豆

羽箭換書歌為秋齋主人作

經畬主人 憲皇帝第七子素尚文學一時名
流多依之家藏書最富薨垂三十年嗣封孫精
騎射書度完庫中秋齋主人聞而惜之易以白
羽箭一筒載書數捆歸嗟乎日華空暮傷賓客
之凋零魯壁猶存覓殘經於何所撫今追昔感
慨係之矣

毅王一代擅文學延覽鄒枚宴東閣犀籤錦帶富收藏
萬卷花間自娛樂一羸傳世勝黃金繼世斯文欣有託

一多山

秋風一夕悲梁苑廿載年光倏流轉嗣王好武不好文
射可穿楊狎鷹犬琳琅金鉉飽羣靈但講韜鈴薄墳典
西隣質邸翰墨林高築層樓文自選願將羽箭抵書倉
較射狂吟兩稱善我來黃菊秋風天琅函快觀心怡然
脫巾不復論賓主甲乙錯亂尋丹鉛青箱傳授歎先代
堂開樂善招名賢一朝唐竭邁厄運秘笈遺獲鮮流傳
恨無寶惜似君輩致使當年手澤難復完君言易換苦
不早芸編半已遭凋殘勸君莫歎書凋殘君不見西京
火砥柱船狂瀾烈燄齊棄捐珍藏內府禍尚爾何況人
間竹素聚散同雲烟

法時帆祭酒移居詩以賀之 周田山薑韻

李公橋北驅犢車圖書滿載移全家詩龕院局白雲滿秋艸
未許容塵麝蕭蕭碎葉落滿屋森森列樹如排衙幽栖猶喜少
過客短牆月上衡衙斜西涯雲水路修阻荒街及早裁黃花濁醪
在手書在架借樂安穩如棲鴉刪詩秉燭坐深夜一任街鼓訕
揭若使韋編三絕選本出鍊石妙手追娥媧時先生選長白詩妙未就

花老虎 閩貴州提督花連布也

花苗獐婦面如土踉蹌走避花老虎永綏夜半聖城摧
大將旗鼓元戎來虎威伏苗查歌民夜哭丞相
用人不得人不使猛虎散苗虎威不可解苗嶮亦可
虞驅虎深阱虎悞踏雪天血戰骷髏枯花老虎虎不可
岳青天 美江蘇巡撫岳起也

一多山

婦執炊夫束鉞老僕倭且病負擔衙前採藜藿馬疲癯
衣敝單居無夏屋行無輶卵翼生我驅鷹鷂下僚失勢
走黃犬閭閻歌舞呼青天君不見周尚書沈湯巡撫試江
漢詩成頌吉甫善三君名姓薄層霄未及青天更清苦

文丞相樂歌

琴為閩中何氏家藏上刻文山詩句後題云景炎元年召入夜宿清原寺作

百日天子急如火中原滿目縱豺虎孤臣一旅窺天南
路阻荒灘停戰觴燈昏古寺夜不眠行篋枯桐自摩撫
清商渺渺歌難成一曲深更對秋雨壯懷無計答君恩
杯水輿薪功莫補蒼涼音和漸離筑慷慨毅同正平鼓
趙家一塊肉猶存國脉綿延一絲縷標題未敢忘正明
史筆堂堂尊幼主五坡嶺畔覆全軍三載南冠意良苦

緹囊何幸汝獨存潛匿人間與誰伍八閩何氏世收藏
漆點梅花斷紋古遺絃誰復捺南風禮罷羣觀嚴東魯
吁嗟乎嚴陵祠外風蕭蕭猶剩髭髮參軍謝朓羽若將
七絃古調弔忠魂勝擊如意西臺碎黃土

謝文節公橋亭賣卜硯歌

生不學嚴子陵羊裘獨釣邀清名冠不製管寧帽西風
遠避遼東道但學成都賣卜人天涯避世逐風塵此身
拚為趙家死市上垂簾暫隱淪百口妻孥棄不保片石
隨身共潦倒半生磨折尚鋒稜嗟爾心堅若此老黃塵
甘浴厓山波墨守不埋燕市草深宵暗自卜中興飛檄
何時申義討吁嗟乎檄未成詔先至却聘書成垂正氣
匆匆避騎迫孤臣此硯橋邊傷棄置兩宮生死問周詳
恨乏此硯揮毫記遺事憫忠閣畔歲荒邱未果隨行殉
忠義土蝕苔紋閱世深紫雲一片重兼金流傳差勝文
山硯七客寮儕似道琴

菊酒歌

羨門高蹈世豈有綠髮朱顏幾人壽黃花樽酒足延年
今古同心靖節史檣頭蕉盃味淡薄籬下風霜色衰朽
挽留無計出心裁何若花棄董蒸代良糗浴浴月色蘼
圃寒落瓣香蕾入簾幕竹爐活火醅已熟壚頭未許家
僮守香糟新釀色黃金冷浸肝腸洗塵垢遠勝秋花插
滿頭醉倒西風不離口殘杯既許宴妻孥磁斗還須饋

良友蘭菊美釀擅西涼開甕腥醴味牛溲那如清醪獨
酌露離憂彷彿白雲卧香畝

楊花曲

楊枝婀娜倍可憐楊花飛舞何翩跹一夕東風吹別館
芳菲吹送阿誰還憶昔章臺選散伎善才宛轉歌喉細
度曲淒清動客愁問字數勤解人意苑園賓客盛繁華
妙舞驚鴻四座誇別院春風吹玉管隔簾秋雨弄琵琶
鼎湖猝遇攀髯痛柔情緜密君恩重遺妓深慚白傅
情把袂當筵含涕送三年別恨怨斜暉兩地相思面重
逢旅雁寒雲思遠道梨花夜月夢空悽淒涼蕭寺悲重
見綢繆聊遂當時願繡口重歌玉樹篇芳姿依舊桃花
面只道恩情久莫更痴從月夜訂他生當筵猶記分桃
愛薦枕難忘斷袖情那知更有豪家奪明珠剖散鴛鴦
折落葉隨風影莫尋飛花逐水香難積從此蕭條畫掩
門孤燈秋雨歎黃昏蓬山誰寄鴻都信漢苑難招錦帳
魂三更臺醒今何夕冷月空階靜寂寂眼前聚散幾多
悲風送楊花墮瑤席

題周藕香祠部先人祠陰課讀圖遺照

昔君走馬長安道詩筒倡神交早知君久屈扶輪才
果爾凌風輕翮矯三年薄宦守祠官名心淡泊歸林表
臨行示我桐陰圖自述弓裘盛文藻披圖但見樹扶疎
百尺濃陰坐野老一編手把課孫曾三五嬉嬉膝前繞

豆盧雙案共講席劉氏七經各通曉佔畢久薄章句儒
聖域賢關遠探討春風習習吹桐花生香不斷無人掃
想君兩日亦追陪天倫樂事人間少一自琴書事遠游
夕葵秋樹傷懷抱千秋風木泣皋魚畫圖空在音容杳
君今歸卧舊溪山菊松三徑依然好縹緲督課嗣貽謀
兒曹萬卷胸中飽但見芝蘭馥郁滿階除應勝出山名
小草

環溪別墅訪明我齋侍衛不值

環溪柳颭東風斜溶溶春水煙波賒農家三五閉柴巷
墻頭開滿山桃花年來抱病憤游覽春郊載酒尋山家
將軍堂堂王謝胄性耽書史忘驕奢買山築室遠街市
斷椽剪茨無紛華紙牕淺酌村舍酒柳陰閒試漁人叉
澆花亭午課僮僕訪僧月下迴巾車晚年風景足可慕
養生底事求丹砂我來造謁何錯互訪戴空返山陰艇
啼鳥無人落花滿松蘿一逕春雲遮門前題鳳敢唐突
竹扉獨對空谷嗟歸來跨馬意潦倒修林掩冉明殘霞
秋齋主人近皈依佛教戒食鷄卵諸物詩以嘲之

君不見趙州和尚半偈留齋堂白日蒸猪頭故知佛法
一切盡平等何須菜根苦菜嚼不休主人文武一身備
少小豪宕氣不作昔時校獵南山下飛鏃發處無虛投
黃蘗生擊飲熱血但覺腦後風颼颼一旦宿根悟佛性
嗜欲屏棄心猿收六時戒不食鷄卵由來口腹非所謀

余聞高僧昔說法一口吞去消冤讐臺城梁武被賊困
數枚代米時徵搜彼皆八關受戒去葷酒尚且飽噉無
疑猶况君制體本玉食禮宜肴饌羅珍羞奈何覬覦守
苦節轉使饑蟻鳴饒咄勸君烹羊置酒且為樂上乘證
果何須修有時禁閨選頗牧奚必二卵致棄干城儔

喜葉塔傳至詩以慰之

君不見隴西飛將氣如虹射虎怒挽兩石弓封侯乃竟
屬李蔡數奇不得成偉功又不見蘇季金盡悲途窮揣
摩錐刺苦用功一朝鼓掌致卿相六國印佩散價隆故
知丈夫不遇困泥滓古今意氣將毋同先生博雅冠當
代五車七畧時陶鎔奇才久尸痛賈誼請纓未遂悲終
童勞勞捧檄心未已微官羈伴錢塘東衙荒杞菊滿庭
廡人稀鶴鶴巢房窠奈何風木苦不逮皋魚遺恨憂心
忡年來踪跡益落拓一身江海猶飄蓬疲癯昨復入京
洛故人重覩歡情濃樽開東閣慰別緒連牀夜話燈炮
紅君言五斗棄不就挾策矮屋今將重相君材豈甘樵
下千金高價今須逢方今天子重儒雅奮翼待爾摩
高穹桑榆可收君勿棄春江漫義披裘翁

謝薌泉祠部見贈葡萄詩以致謝

入秋旬日雨較稀葡萄宅畔生乳蓬笑余下急半摘取
入口酸澁涎流頤謝公種植得妙理辛勤手樹虬龍枝
呼僮灌漑有堂課累累滿架陰成帷落實已足十分熟

過餉朋輩盈盤匝金刀落處碧霞亂顆顆香脆甘如飴
頗怪同土味何異始知物各有定時秘方學得侯明歲
驪珠滿斛徵新詩

挽張皋文太史

文章今代誇昆陵洪孫姓字相呼嘯後來居上推李鷹
奇才傑出卑韓曾虛穀標榜心所憎朱門戟閣羞攀凌
瀟風晦雨依孤燈扶搖一旦成鯢鵬大譽大噪衝書冰
人為君賀君不矜鮑照傲骨多鋒棱謂雙太史五人前獨好
誇姜肱用徐謫子謫苦節奇行相規繩方期唾手至金卿忽
爾月夜騎長鯨妻單子弱悲不勝荒廬總帳淒風興殘
篇收拾惟友朋丈夫千載爭榮名年壽修短奚足凭慚

余未得一識荆為天下分痛填膺

鮑覺生太史借寓僧寺詩以慰之

鮑生品節世所稀妻孥遠去僧房棲宮袍蓮燭等閒事
布素仍若儒生時槐庭深院坐消晝粥魚梵唄催吟詩
玉堂日夕步花影徒行一任旁人嗤近來豪舉推京洛
結駟高車何赫濯呼人竈下告停炊聲伎堂前且為樂
通券盈箱蚊負山貸書四出鷹搜雀不能折節宇清貧
返怪天家俸錢薄如君耿介我所欽况居隣宇便盡簪
會當月下訪僧闥挑燈煮茗談更深願君終始勵高節
他年慎勿更初心

題碧血錄

北司文下急如火縱騎手掣銀鐙鎖清流網盡無潛鱗
萬古奇冤痛楊左二公遭際胡不展搏擊針虎忘其身
青天赤日不照地黑獄碧血空留痕賴上遊世者紙筆
問墨吏諸公幽繫期一一顛末記三閭忌日溯靈辰信
國悲歌傳正氣直筆可補史乘缺寸紙如繪爰書事君
不見世上腰金紆紫徒姓字往往湮榛蕪諸君幸得睹
下死鴻毛敢與邱上俱回焚權門捧膝者名寔逆紫森
丹青

答黃香涇孝廉

吳中士習多輕薄標榜虛聲滿京洛黃侯恬淡寡交遊
兀坐渾如孤嶠鶴岐王宅裡嘗逢君時館於侯王邸我時偏遭
病魔縛勿勿別館話亭午草草河梁餞清酌片言杯酒
締交情豈意殷勤寄書索別無一刺到公卿於我獨厚
心顏忤始知把臂失良朋更復何時踐此約秋風千里
盼南雲點點中宵梁月落

題李都侯傳

身不披子陵裘足不蹈范蠡舟山中藜藿不耐食歸來
鐘鼎封公侯貞元朝士公為最久仕汚君名轉累為人
家國誤神仙白髮殷勤定儲位君不見留侯借筋決千
里功成萬事付不理遠遊欲伴赤松子

喜晤翁覃溪鴻臚

昔余就傳初總角執經北面師甘卓謂味齋翁樽翁偏解

少朋儔詩壇惟與君爭較知名久己心相許識面深慚
手未握前年邂逅 乾清宮烏號慟哭悲歎同踰階越
位敢失禮未語別去何匆匆君亦受 命守 園廟迨
迨兩地難相從春風告祭到歲左相逢浩歎多臧軻邀
我清談官廨寒圍爐對面煨松火觴政何妨出令嚴詩
律初開持戒苛先生初不善嘉指子長安近日表馬豪對人無
復談風騷入朝往往遭白眼迂疎一任旁人嘲如君碩
果僅餘幾可憐白首羈閒曹詰朝更返燕山路風雪愁
看 五陵樹何時解組向金門晨夕蘇齋走相顧

寄姚根重孝廉

男兒有此七尺軀百年奄忽真須臾不能高建八川蘇

十方山方

還須埋首萬卷書姚侯腹笥飽家學射策幾度差遺珠
袖中漫滅正平字投繯獨與吾情孚醉中論古不平事
往往擊缺處仲壺去年絹操作歸計中道淹滯青齊都
官衙賓佐苦局促況有老父朝倚閭願君急鼓皖江棹
朝昏菽水為親娛梅花千樹繞老屋帶經月下讀且鋤
趨庭聞見日淵博遠勝依人天末歌窮途

謝薌泉祠部見贈盆菊詩以謝之

年來鬱鬱苦幽獨閉關卧病苔階綠題糕擲筆已經年
度架詩書萬卷束先生高曠世無匹圃藝寒花傲塵俗
磁斗移拉贈同人冷艷寒香滿廬屋漫嫌枝疎色淺淡
遠勝春花絢人目恰宜紙帳伴幽人更好明窓照高燭

肯令俗客同玩賞屢課雙鬟日澆浴滿林落葉已重陽
一夜霜華浸平陸會須携酒訪君家野圃疎籬踐芳躅
西風驪唱想前年往跡追尋淚相續去秋先生典試開筆故及之

余素不善書偶臨池作字張愛濤太史過而笑之

因作長歌屬和寶自嘲也

余年二十始學書臨池往往詭魯魚詆毫伸紙不知耻
驅咎時輩追歐虞寒窓秋雨入夜俱硯田剪燭勤耕畬
傲醜獨許匹傾國家帚珍貴同犀渠張公瓌瑋世家彥
鑒坡下直共游讌來觀撫掌絕弁纓犀光燭處姓形見
敢希莘老寶綠繭應愧羊欣衣白練大夫一世貴有名
雕蟲小技奚重輕會當投筆赴柳營拓弦橫擊驅鯨鯨
捷書萬里踐冰雪立馬題勒燕然銘墨磨長劍筆蘸血
遠勝寒更繩榻低首書成蠅

送陳範川太史南歸

高城霜曉聞吹笳陳子歲晚驅軺車將園雪霽走告別
一尊綠酒相要遮席間促膝暢懷抱往事追憶堪咨嗟
憶昔枚叔客瓊邱主人才藻方春華謂秋齋主人騰蛟繡虎
滿四座珮裾珠馬相爭誇余時來往訂鯨紆傲兀客許
容田巴花間堂伴共高燕烹葵剝棗非豪奢櫻桃翠袖
進香盞勞嘈玉腕彈琵琶裁詩往往至深夜天街更鼓
聽頻過那期玉樹忽摧折三生夢識符龍蛇秋風星散

孟嘗客青衫零落歸天涯我亦適抱蒙義慟閉閣讀禮
刪淫哇君今高第步瀛閣錦袍燦爛裁明霞明光白雪
朝獻賦鈴雨秘閣宵書麻寧親乞假返鄉井錦瑟絃續
歌宜家重聞喜氣盎一室寒香繞屋開梅花驚鴛湖上
返歸棹慎勿高尚棲幽遐君言文章須報國豈容放跡
如磨處明年桃浪鯉魚暖潞河穩泛春風棹臨行握手
意惆悵蟾輪激灩當聽斜

慈度寺觀容忠王鐵甲歌寺為王故邸

阜城門外急擊鼓壽皇亭前悲杜宇九門傳說寺人開
浩叔衣冠歎典午黃巾銅馬太狻猊斗柄高巍坐豺虎
忠王仗鉞來大東赤幟堂堂興義旅秦庭痛哭納包胥

一步山房

帷幄良籌尊鄧禹魁梧隆準真天人親著兜鍪勵軍伍
鐵衣躍馬陣雲寒肯效綸巾揮白羽梯子嶺畔捲風沙
萬騎排山寺獬豸繡裳赤馬東國軸海寓兵銷貢瓊瑤
六軍早見挂離弓三載無勞歌破斧明堂解甲酬殊勲
錦帶鉞面貯庭廡碧血斑斕叔寶槍寒潮敵勁錢王弩
方期作礪比泰山那識銜冤同郭渚功高未免涉矜伐
謠詠含沙竟投杼長沙既已徒已峽邸弟俄看歸寺主
朱門白日鎖荒烟玉殿陰沉窺蒼鼠先皇燭照徹覆
盆詔命祠官祀簋簠山中風雪訪遺孤賜胙分茅匹
齊魯我來雪後叩禪閣老僧指點快先覩開匱蜺夾想
英姿金鎖塵封色悽楚古寺寒風又一時貝冑朱綬舊

神武子孫努力踵前型百戰艱難念爾祖

聞初頤園少農復官庶子詩以誌喜

詔書忽下諸天界特起孤臣聽虎拜承華顯職換頭銜
野老扶筇爭慶快維君封事奏當年懸鏡燃犀燭魑怪
埋輪早荷聖人知觸佞非將直報賣聞金蜀錦事渺
茫皂囊義肯輸唐介高秋一鶚奮雲霄搏擊那辭毛羽
鍛帝眷優容許遂初露霜畦課菰芥朋樽醺醪奉
親歡半偈楞嚴守清戒側聞敦促起東山詎謂蒨蘆依
樣畫繫余囊好率天真謀面無由通紹介重君風義賀
君遭料不生嫌棄營蒯願期晚節持愈堅獻納嘉謨矢
勿懈

一步山房

題宋人樗仙將軍詩軸後并序

將軍諱書誠鄭獻親王七世孫與先叔嵩山將
軍交最厚壬戌春法時帆學士為余覓宋人詩
因命沆姪料理先叔殘稿於敗簾中檢得樗仙
詩數卷帙尚為完善暇日錄出因賦長歌誌之
當年北阮才如虹傲岸白眼早濤戎神清室敬集賓侶
梅花繞屋開春風神清室名前有老樗
數林京師所罕見也李膺周黨日
游燕謂周延尉於
李少室友索百壺不放金樽空王孫嬌嬌八中
龍入門顧盼光熊熊春山游眺蠟芳屐沙坂射獵鳴雌
弓談詩剪炮滿銅斗屏風誤觸眠奚童絲竹聒效謝安
石痛飲共慕王無功蒼鷹久已謝綰繆鴻鵠未許棲樊

籠那期人散各千載荒原賦恨悲文通詩龕居士大雅
宗網羅珠玉傳郵簡慚余書未插滿架殘綠剝靚青箱
中元經幸未覆醬瓿爰下喜聽餘焦桐吉光片羽尚完
好無乃呵護勞神工始信文章積采自不泯寧同小伎
矜雕蟲鈔成珍重貯高枕尚恐蛟龍破壁攫取還天公
臘日招謝香泉祠部吳蘭雪博士鄭寧軒吉士將
香杜孝廉吳山尊學士不期薦至詩以紀之

我生不學陳孟公延攬四海延旌弓平時鮑謝訂杵臼
鷄鳴風雨相磨礱年來臥病謝賓侶高懸藤榻書帷空
疎林槭槭鳴寒風晴泥雪後傳郵筒風軒急掃煮清酒
圍爐促膝松毛烘鄒陽賓座曳裾履將謝門運生蒿蓬
一笏山房

槐庭先生筆道銳劍淬秋水磨青銅仙人吳質垂長虹
入門帶醉顏先紅街杯勸醺了無昨百川長吸如游龍
笑余束髮性迂緩踽踽誰復憐倥侗朋交舊盡畏熟客
孤雲目送寥天鴻君何聞見忽相訪酸鹹嗜好將母同
神交千里尚馳結何況羣賢嘯傲同堂中豪吟刻燭更
洗盞驍駒賦別休匆匆雪泥爪印歎飄瞥會須圖繪煩
良工

元日吳蘭雪博士以游山詩見示詩以答之

軒皇鳳紀值丙寅萬家玉琯調陽春主人乍返薊門營
短衣未浣征途塵槐庭博士原憲貧清班曳復紆長紳
歲朝詩州代投刺墨花霏灑綠裁銀秋風昨歲事幽討

穿雲倚仗躋嶙峋空林霜曉踏黃葉危崖日落披荆榛
層巒俯視衆山小驚人句欲呼青旻羨君書劍早遊覽
詩篇大雅羣扶輪人間榮辱那挂眼到處往往尋栖真
笑余奇癖猶采石名山夢寐勞心神春風西嶺疊濃翠
良遊早定休遂巡屠蘇滿酌讀未厭椒香浮座梅含顰
狂吟酬和寄城闕郵筒速遞煩車轉試思塵土東華客
此日傳箋有幾人

題畢焦麓仿董香光卷軸為澍堂賦

焦麓先生性幽獨繞屋新裁萬竿竹家無半畝付兒孫
清白贊囊畫一幅香光居士墨派留塊石孤巒偶摹逐
先生粉本筆愈健千里關山寄行麓佳兒捧檄向天南
一笏山房

春風驛路脂征轂衙齋吏散訟庭閒展卷芸牕細揣讀
天機薰可陶性情豈但筆耕餬口腹君不見世人傳家
重金玉充棟盈箱厚藏蓄何如雲烟滿紙手親傳絕好
生涯砭愚俗

寄元水村

山人無官復無田一身常住雲水間平生善詩兼善繪
含毫吮墨無時閒錦囊繡澁蝕風雨縞素揮洒驅雲烟
空山咫尺絕人境恍若蓬島難尋攀繫我趨庭記疇昔
晨晨落落西園客銅斗高歌木葉秋短衣跋馬黃龍磧
金門未上東方書扁舟遽挂夏陽席每逢風月輒思君
往事追尋淚霑臆春風寄我山中書新篇感舊增欷歔